

603:【辯『釋』、『道』之殊₁₀】---六宗趣通局之『^{2/10}法有我無宗』

疏鈔三/四冊，六宗趣通局，華嚴疏鈔卷六 p100 · no. 603

講義出處: 華嚴懸談會玄記卷 36，蒼山再光寺，比丘普瑞集

整理者: 葉苾芬，『華嚴懸談』課程講義。 2023/07/03.

*辯『釋』、『道』之殊

		釋(佛家)	儒道
1	始無始異	謂釋立生滅因緣，無定初始因緣為萬法之本，興滅由人。	儒道有太初太始，為物之先。太初為萬物之先。物自造化。
2	氣非氣異	謂釋以心為法本，憑對憑緣憑緣則必假修成，萬行會本。	儒道以氣變為神，無為自化。自化則無修無習，棄智絕聖。
3	三世無三世異	釋以稟質色心，靈爽相續，隨緣起滅，三世遷流。	儒道以聚氣為生，散氣為死。死則歸夫天地，不續不存。既止一身，寧知三世。
4	習非習異	釋以善惡由業，愚智習生。故積劫熏修靈識玄妙。	儒道以善惡由分，愚智自天。稟純和則至聖至神。稟渾濁則為愚為暗。縱言慎習，止在一身。豈說積功，能資他世。
5	稟緣稟氣異	釋以參羅萬象並由緣生。稟緣者則可增修。	儒道以富貴吉凶皆由氣命。稟氣者不可改易。
6	內非內異	釋以天地萬物，內識變生。所變在我，可變染令淨。	儒道以人物蠕飛，皆由天地所變。所變在天，則任彼高底。
7	緣非緣異	釋以四相遷流，浮虛變滅，皆由緣力，非曰自然。	儒道以日化月移，趣新更故，力負自爾，非由我心。
8	天非天異	釋以果報因緣，宗源斯二：一者苦集。二者滅道。滅道者：不住不染離斷離常。高出空有之巔，迥超生死之外。苦集者：因心迴轉，逐業高低。往來六趣之中，留連三有之內。是以厭乎苦者斷於集，忻乎滅者修於道。此釋氏之旨也。二家之理，	儒道以禍福吉凶派流為二：一者天。二者地。地而所為，可得閉絕。故謀未兆而散脆微。天之所為，不可遁避。故受而喜之，忘而復之。是以安乎天者棄於人，絕於聖者從乎道。斯老氏之旨。

		皎若掌中·戶則千門·殊歸異貫·較之於一·其可得乎。	
9	染非染異	釋以善為福道之本，修善而受福人天·不善為惡道之根，積不善而沈淪三惡·慈為無害之徑·欲為生死之源·絕欲而生死必除·行慈而壽命長遠·是以為善者必得，為不善者必失·離欲者必超，不離欲者必陷·此釋迦之教也·教方既辨，異乃條然·譬彼寒溫，理難併合。	老以仁毀於道，絕仁而道自停，不在於為也·欲害於性，去欲而性自得，不在於修也·利累於生，屏利而生自成，不在於益也·禮出於亂，棄禮而亂自除，不在於作也·理由於道，有道而理自至，不在於聖也·得在於時，時來而位自成，不在於爭也·是以不求而自得，不為而自成·為之者必敗，求之者必失·此老君之教也。
10	歸非歸異	釋以生死，苦也，從妄想而形·貪愛，垢也，因無明而起·因無明而起，則可剪可除·從妄想而生，則可擻可拔·擻拔緣乎性假·除剪由乎體妄·知體妄者，息妄而證涅槃·達性假者，棄假而歸寂滅·於是控御一乘，浮航六度·越生死苦海，出火宅樊籠·迥登般若之臺·妙入涅槃之苑·湛然常樂，與虛空而並存·崑爾圓明，混境智而雙寂·此乃釋教之所歸也。	老以生與死，命也，悉是道之所為·聖與不肖，性也，但是天之所與·天與不可逃·道為不可捍·知天道不可迷捍者，則能安處生死，而守全性情·性情全而天不壞·死生處而道不虧·道不虧則悅惡之慮消·天不壞則喜怒之心滅·於是出囂塵之域，遊道德之鄉·理孤劭於寰中·神獨凝於方外·澹然玄寂，而累害不能干·泊爾無為，而邪氣不能襲·可以長生·可以盡年·此老教之所歸也·所歸既異·發軔復殊·相去渺然，千里非遠。

上十異，即冀審思，慎之深衷·多以小乘因緣以破外宗玄妙·況乎真空妙有，事理圓融，染淨該羅，一多無礙，重重交映，念念圓融者哉·無得求一時之小名，混三教之一致，習邪見之毒種，為地獄之深因，開無明之源流，遏種智之玄路，誠之誠之·傳授之人，善須揀擇。